



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE MARA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## ***Sa festa de s'Assunta in Mara***

S'Assunta est una de is festas marianas prus antiga. Cun custa festa si bolit afestai s'assuntzioni de Maria, mamma de Gesus, in Paradisu cun ànima e corpus a s'acabu de sa vida in terra sua. Sa figura est connota puru cumentis sa Madonna dormia (Dormitio Virginis) difatis no est acrarau de sa Crèsia Catòlica chi s'Assuntzioni siat bènnia pustis de sa morti o de unu sonnu grai. S'Assunta in Mara, annus a oi, fiat sa patrona de sa bidda, patronu mudau pustis in Santu Stèvini de Calagonis, po custu s'Assunta fiat festa manna.

A dolu mannu sa stàtua antiga, de s'Assunta de sa crèsia de Mara, chi fiat fata de linna, s'est pèrdia, calincunu narat po mori de s'arruina de su tempus, po atrus fiat stètia bèndia. Sa stàtua noa est stètia torrada a fai no de parici annus.

De sa stàtua antiga funt allogaus in sàndulus fatus de prata traballada dataus 1829, sa corona sempri de prata, fata a s'acabu de su de XVII sèculu, s'arrosàriu, giunchilliu, aneddus e is bistiris. Funt abarraus puru sa letera e is cuatru àgiulus de poni a is cuatru furrungonis de sa letera.

In sa letera beniant postas puru matixeddas de afràbica (costumàntzia bizantina) e unu matzitu cun sa prama, su lillu, su frori de s'arenada, su frori de su dàteru e s'arrosa: totus simbulus acapiaus a sa figura de sa Madonna.

Oi po s'Assunta si fait una pruceSSIONI po is bias de sa bidda.

Torraus gràtzias a Sandrino Ulleri po s'arretratu



